

Zhude Zhude ya sɛmɛ wemu ka ge

Jɔgɔ wu ɲɛ Zhude wɛ?

Zhude wemu wu ɲɛ Kafɔɔ Yesu ni Yakuba yɛ wo ceborona wu ge (Macoo 13:55 ni Marika 6:3), wee w'a we sɛmɛ we ka. Ba wu ceborona Yakuba ɲɛ wɛ, wu bɛ bi ta dɔ Yesu na taashiinɛ li ni na Kirisa wu ɲɛ wii wɛ (Yohana 7:5). Ga tuun wemu ni Yesu ya ɲɛ na foro xu ni ge, wee tuun wu ni wu bɛ ya na dɔ wu na. Mɛgɛ kemu Zhude ya yiri wuyɛ na ge, kee ki wa mɛ: Yesu Kirisa wo kapyebye (Zhude 1).

We sɛmɛ we kakana ɲuɲɔ

Zhude ya we sɛmɛ we ka na n'a daa fɛɛ pu kaala na pu kaseɛgɛ yaha puyɛ na karamɔgɔ-kafinɛjuu pu wo kalaakuumɔ wu shizhaa na, wee wemu w'a can can wo n'a daa wu kyɛɛgi ge.

Sɛmɛ wu kafila ɲugbɔyɔ

Zhude 1-2 Zhude fɔ mujuu.

Zhude 3-16 Zhude ya can fiinɲɛ jo karamɔgɔ-kafinɛjuu pu wo kalaakuumɔ wu keree na.

Zhude 17-23 Zhude ya li shaa n'a daa fɛɛ pu mu na li waha l'i waha na pu kori yaha Kirisa wo kariɲɛgɛ ki ni.

Zhude 24-25 Zhude ya Kilɛ sɔ.

Zhude fɔ mujuu

¹ Nɛ Zhude wemu wu ɲɛ Yakuba ceborona, na ɲɛ Yesu Kirisa wo bulo ge, nɛ w'a we sɛmɛ we ka. Kilɛ ya yee piimu yiri ge, yee piimu kaa ya taan To Kilɛ

mu, a wu yee mara yaha Yesu Kirisa mu ge, yee mu ne wu tun. ² Kile wu yi kan xuuni wu njaraara te, ni wu narinε ke, ni wu taanηεεε ki ni.

Karamagɔ-kafinεjuu

³ Na taanηiinεε, ne funηɔ ki bi sii fo na semε ka na tun yee mu wu wo ηuwuuro ti keree na, ne ni yee ya pinne ηuwuuro temu na ge. Ga na kee fungɔngɔ ki yaha ne mu, a ne mεhe li ta l'a pɔrɔ ne wu semε wu kan yi mu, di lowaa le yi ni, kɔnhɔ yi da yogo yu n'a daa wu kaa na. Wu fεεεε wuu pu mu Kile ya wee n'a daa wu kan tɔηii nigin ye pe. ⁴ Bani sipyikuuyo ya y'a peelee jε yee ni. Jaagi wemu na ba do pee ηunɔ ni ge, Kile kafila w'a wee kaa jo fo l'a mɔ. Kile ηi fyaara baa sipyii pu ηe pii. Wεe wo Kile wu wo niime jomɔ pe p'a luu na ηeri na byi pu shiige baara keree kaηunɔ. P'a ganha na fɔro wu ηunɔfɔɔ ni wu Kafɔɔ nigin pe wu kaa taa, wee wemu wu ηe Yesu Kirisa ge.

⁵ N'a da yi funyɔ to ni keree kii kaa ni, ali na yi ta y'a ki ce xɔ be. Kafɔɔ Kile ya Izirayeli shεen ηunɔ wolo na foro Misira fiige ki bulooro ti ni. Ga lee kadugo na, piimu p'a pye pu ni n'a daa baa fεε ge, a wu pee kyεεgi. ⁶ Fo taashiine ni melekeε piimu p'a pu wo tayerege nizhiige ki she, na pu tatεngε ki be yaha ge, Kile ya pee pɔ yaha nibiige ni shɔnhɔyɔ na gbee, cagbɔhɔ ki wo kiiri wu kaa na. ⁷ Mu Sodamu ni Gɔmɔari shεen ni pu taa kuloogo be ya pye. Pee bi puyε yaha dɔdɔrɔ na fo na she namaa pye pu na puyε sinnεε. Na fugibaaga k'a pye pee wo jaagi wu kanhama, kɔnhɔ p'i bye naha shεshεεε sipyii pusamaa beeri mu.

⁸ Ga lee be na kee keree kii tuugo pii karamoḡo-kafinejuu pii wa byi. P'a ganha na puye pyaa wo ceepuuro ti nōrōḡo, na yu na Kile w'a yu ni pee ni ḡmunuyō ni. A p'i zhe Kile wo Kafere ti ni, na fugba melekee pu shehele, pee piimu pu je ni nōrō ni ge. ⁹ Ali na ta Misheli wemu wu je melekee juḡofō ge, tuun wemu ni wee bi nakaara ti suruni ni Shitaanni ni Kile tudunmō Musa nixhugo ki keree na ge, wu ya ta sō na Shitaanni shehele we, ga na wu pye ye na: «Kafō wu li foo tō ma mu.» ¹⁰ Keree kiimu ki je pii sipyii pii ya ki ce-e ge, kee p'a fanri. Laje we wu je pu mu ge, wee ni naḡa yaaga wo beeri wu je nigin, wee laje weye pyaa k'a gyegi nōni pu na.

¹¹ Bōngō ki je pu wogo! Kayen wo jaarigaguunō le tuugo p'a jaari. P'a puye yaha jé piinne ni wari la na ba Balamu ya pye we. P'a gyegi shan puye juḡo ni, bani p'a n'a she le puye ni ba Kore* ya pye we. ¹² Pu keree ma juzogoro waa yee na yi ceborogo yalige ki liduun ni. Shiige je pu na we, pu jate ya nō watii na ni puye be we. Pu je ba nahaya je we, kafegge na yi lo na jaari zanha di je yi ni we. Pu je ba tiye je we, yemu ya ta na nagoo pyi ali yi pyeduun be ni-i ge. Pu je ba tiye je we, yemu niye beeri y'a wolo, a y'i waha fefee ge. ¹³ Pu je ba suumō lohō lokuruyo nigbōyo je we, yemu y'a yi shiige keree kaḡaa na byi kakaya ge. Pu je ba wōrō je we, kiimu ya jaari na doroo ge. Tehenē baa nibiicogonō Kile ya gbegele na yaha pu naha na gbee.

* **1:11 Kayen:**Zhenēzi 4:3-8; **Balamu:** Nōburuu 22-24; **Kore:** Nōburuu 16.

¹⁴ Adama wo kadugo shi nibama sii gbarashuun wuu li wo ɲabige kemu mεε ki bye na Henɔki ge, wee be ya keree nibanɔaa jo pii sipyii pii shizhaa na na: «Kafɔɔ w'a da ba ba ni wu fεfεεε mεlεkεε miliyaaraa ɲɲεhεmεε pu ni, ¹⁵ wu ba kiiri kɔn kɔɲɔ sipyii pu bεεri na. Wu na ba jaagi shan Kile ɲi fyaara baa sipyii pu ɲɲɔ ni pu wo kapyegεe niguuɲɔ ki wuu na, p'a kiimu pye pu wo Kile ɲi fyaara baara ti funɲɔ ni ge; joguumɔ pemu bεεri pee jurumupyii p'a jo wá Kile na ge, ni pee joguumɔ pu be wuu na.» ¹⁶ Pee sipyii pii tigre t'a pe. Pu ya dinni wε. Pu ma ɲaari na sahanɲi ni puyε pyaa wo keree la ni. Tabaara jomɔ di dan pu ni tajogo ni. P'i sipyii faanna, na pu kuduun wo pu ni.

N'a daa fεε y'a yaa na lemu pyi ge

¹⁷ Ga yee kunni na taanɲiinεε, wù Kafɔɔ Yesu Kirisa wo tudunmɔɔ p'a fεnhε jomɔ pemu jo yi mu ge, yi yi funyɔ yaha pee na. ¹⁸ Pu bi ma yi yu yee mu na: «Kɔɲɔ ki taaxɔɔ li ba dεεɲε, lawuu fεε pii na ba da wà. Pu na ba ɲaari Kile ɲi fyaara baara ni na saha ni puyε pyaa lakuuɲɔ keree ni.» ¹⁹ Pee sipyii p'a waagi leni yee tε ni. Pu ma ɲaari na sahanɲi ni puyε pyaa fungɔnyɔ ni. Kile Munaa ɲε pu na wε.

²⁰ Ga yee kunni na taanɲiinεε, yi la le yiyε ni, yi da se ɲaha na yi n'a daa fεfεεε wo wu ni, yi da Kile ɲεeri Fεfεεε Munaa li wo sefεεε ti ni. ²¹ Yi kori yaha Kile wo taanɲεεge ki ni, y'i wù Kafɔɔ Yesu Kirisa sige, fo wu ba ɲi sicuumɔ nixhɔbaama kan yi mu, wu wo ɲiɲaara ti funɲɔ ni.

²² Ayiwa, piimu ya puyε kaala kaala ge, y'a ɲɲɔ ɲaari pee na. ²³ Yi pu ɲuyɔ wolo na foro na ki ni.

Yi da ɲuŋɔ ɲaari pusamaa be na, ga yi da lee pyi ni fyaara ni, y'i laraga kɔn pu nɔrɔmɔ keree ki beeri na. Wa bu kakuunɔ la pye pu ni, yi ganha bu da gbɔn ali wufɔɔ nɔrɔmɔ fadenɛ ke be na we.

Kile masɔŋɔ jomɔ

²⁴ Kile wemu w'a da já yee mara, kɔnhɔ yee ganha bu do-e ge, wu yi pye jaagi baa fεε, wu nɔhɔ yi ɲi fundangbɔhɔ na wu nɔrɔ wu ɲaha tɔan ge,
²⁵ wee wemu ye nigin wu ɲε wu Shɔvɔɔ Kile wu Kafɔɔ Yesu Kirisa baraga ni ge, nɔrɔ ni gbɔrɔ, ni sefεεε, ni ɲuŋɔ fεεε t'a dɛri wee na na co fo taashiinε li na, ni nimε, ni gbee. Amiina.

KARINĒĒGE NŌMĒE NIVONŌ
New Testament and Shorter Old Testament in
Senoufo, Mamara

copyright © 2014 Wycliffe Bible Translators, Inc.

Language: Mamara S noufo (S noufo, Mamara)

Translation by: Wycliffe Bible Translators

Contributor: Wycliffe Bible Translators, Inc.

  2014-08-10, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-03-17

PDF generated using Haiola and XeLaTeX on 11 Nov 2022 from source files dated 29 Jan 2022

85728ed7-78f8-58e8-8967-0e976c0c2423